

Eigarskapsmelding

Vestnes kommune

2010

1. Målsetting for eigarskapsmeldinga:

1. **Gi kommunestyret ei samla oversikt over Vestnes kommune sine eigarinteresser.**
2. **Skape medvit om Vestnes kommunestyre sin eigarstrategi og oppfølging av denne**
3. **Gi ei samla oversikt over mulige organisasjonsformer for kommunalt eigarskap**

1.1 Eigarstrategi:

Vestnes kommunestyre sin eigarstrategi gir retningslinjer for kva kommunen ønskjer med selskapa. Strategien skal legge grunnlag for tydelige retningslinjer til selskapet. Dette skal for framtida gjerast ved å ha eit særleg fokus på eigarstrategi når vedtekter skal utformast eller revurderast.

Det skal også leggjast vekt på eigarstrategi når dei ulike selskapa skal rapportere til kommunestyret om drift og resultat.

Eigarstrategien vil også gjere at kommunens representantar i dei ulike selskapa kan drøfte eigarstrategi med formannskapet.

1.2 Motiv for eigarskap:

Denne eierskapsmeldinga tek utgangspunkt i ein føresetnad om at når kommunen etablerer eller blir medeigar i eit selskap, så gjer kommunen det for å oppnå noko.

Følgjande motiv er vanlege for kommunane:

Finansielt motivert eigarskap:

Selskap der motivet er økonomisk utbytte av innskoten kapital og sterk begrensning av kommunens økonomiske risiko.

Det typiske dømet her er Vestnes Energi AS

Effektivisering av tenesteproduksjon:

Selskap der motivet er auka mengd og betre kvalitet på tenesteproduksjon for eit særskilt område.

Typisk døme her er interkommunale selskap (IKS)

Samfunnsøkonomi og regionalpolitisk posisjonering:

Selskap der motivet er å posisjonere kommunen og regionen. Slike selskap kan også medføre nasjonale satsingar og utløyse statlege verkemiddel og nasjonale prioriteringar. Typisk døme her er eigarskap i samferdselselskap.

Lokal kulturpolitikk og utvikling av lokalsamfunnet

Selskap der motivet ikkje er økonomisk, men meir av lokalpolitisk eller kulturelle interesser; t.d. gode oppvekstvilkår for barn og ungdom. Typisk døme her er skisenter.


2. Selskapsformer:

Det er ulike selskapsformer som kan nyttast for organisering av kommunale oppgåver ved selskapsorganisering. Formålet ved den kommunale verksemda har mykje å seie for kva selskapsform ein vil velje. Nedanfor blir det gitt ei kortfatta oversikt over dei mest vanlege organisasjonsformene.

Kommunestyret må alltid vurdere følgjande moment:

- Kva handlingsrom treng vi for politisk styring? Kva handlingsrom får vi ved val av akkurat denne selskapsforma?
- Får kommunestyret reell styring gjennom representasjonsmodellar?
- Kva økonomisk ansvar får vi?
- Risikovurderinger; økonomisk, marknadsutsikter, miljø og samfunnssikkerheit
- Får vi den kvaliteten vi ønskjer på den kommunale tenesta? Korleis blir forholda for innbygarane?
- Selskapet sin økonomiske fridom; prioriteringer av ressursbruk
- Fleksibilitet – endring av eierforhold/ samarbeid med private
- Forholdet til forvaltningslov/offentlighetslov
- Skatte- og avgiftsmessige forhold
- Er dette lovleg i forhold til Lov om off. anskaffelser?
- Er den arbeidsgiverpolitiske strategien slik kommunestyret ønskjer det?

Figuren under illustrerer graden av handlingsrom, styring og kontroll for kommunestyret ved ulike organisasjonsformer.



2.1 Aksjeselskap (AS)

Vestnes kommune har følgjande heileigde aksjeselskap:

Vestnes Energi AS	
Tremek AS	
Ørskogfjell skisenter AS	

Meir om desse heileigde selskapa på side 10, 11 og 12

I følgjande selskap eig Vestnes kommune mindre enn 50% av aksjane:

Astero AS	Tidlegare Bergmoprodukter
Destinasjon Molde og Romsdal AS	
Muritunet AS	
Eksportvegen AS	Tidlegare Tresfjordbrua AS
Møreaksen AS	
Sunnmøre Veginvest AS	
Samspleis AS	
Molde Lufthavnutvikling AS	

Meir om selskapa på side 13-17

Rettsleg stilling og lovgjeving for aksjeselskap

Aksjeselskap er regulert i aksjelova av 13. juni 1997 nr. 44.

Selskapet er eige rettssubjekt. Det viktigaste trekket ved aksjeselskapsforma er at aksjeeigarane ikkje er ansvarleg for selskapet sine forpliktelser anna enn for innskoten kapital. Aksjekapitalen i eit aksjeselskap må vere på minimum kr. 100.000,-
Eit aksjeselskap som ikkje er i stand til å oppfylle forpliktelsane sine, kan takast under konkursbehandling. Eit motstykke til ansvarsbegrensninga er at selskapet sine eigarar ikkje rår fritt over selskapet sine inntekter og formue.

Når er denne selskapsforma egna?

Et aksjeselskap er eit eige rettssubjekt og kan ha ein eller fleire deltakarar. Lovgjevinga set ingen grenser for kven som kan vere aksjeeigar i eit aksjeselskap. Selskapsforma kan difor vere tenleg dersom ein ønskjer å ha ulike grupper av eigarar eller legge til rette for at fleire, både fysiske og juridiske personer, kan vere eigarar. Selskapsforma inneber altså fleksibilitet på eigarsida. Innretninga av selskapsforma bygger på den risiko som slik konkurranseeksponert verksemd inneber. Selskapsforma egner seg der kommunen ønskjer å ha eit heilt avklart begrensa ansvar – til innskoten kapital.

Styrande organ

Generalforsamlinga er selskapet sitt øvste organ. Generalforsamlinga kan treffe vedtak i alle selskapssaker, med mindre lova legg avgjerdsmynde til andre organ. Som øvste mynde for selskapet kan generalforsamlinga instruere andre selskapsorgan, omgjere deira avgjerder eller direkte treffe avgjerd i andre selskapsorgan sine saker med mindre lov på særskilte område fråtek generalforsamlinga deira mynde. Det er gjennom generalforsamlinga aksjeeigarane utøver det øvste myndet i selskapet. I generalforsamlinga møter kommunen normalt med ein representant. Dette kan vere ordføraren, jf. kommunelova § 9. Dersom ordføraren sjølv ikkje møter, kan kommunen vere representert med ein fullmektig. Kommunestyret kan før generalforsamlinga blir halden treffe vedtak som bind opp representanten si stemmegjeving på generalforsamlinga. I selskap som er heileigd av kommunen, kan kommunestyret bestemme at eit samla kommunestyre skal utgjere generalforsamlinga. Det kan også vedtakast at eit anna utval skal utgjere generalforsamlinga. Det vil likevel vere slik at det må stemmast samla for selskapet sine aksjer når kommunestyret/formannskapet er generalforsamling. Aksjonæravtalar blir ofte brukt for å detaljere forholdet mellom aksjonærane. Aksjonæravtalen kan regulere ulike eigarspørsmål som t.d stemmerett, fordeling av styreplassar, innsynsrett, innskuddsplikt og forkjøpsrett. Styret har det overordna ansvar for forvaltninga av selskapet. Som hovudregel er det styret som tilset dagleg leiar og er denne sin overordna. Dagleg leiar skal styre selskapet etter dei planar, retningslinjer og prinsipp styret har vedteke.

Styring og kontroll

Ein aksjonær har ulike rettar i eit selskap alt etter kor stor del av selskapet

vedkomande eig. For kommunen er det difor viktig at eigardelen er tilpassa kommunen sitt formål med eigarskapet. Dersom kommunen har strategiske målsettingar for eigarskapet sitt, bør kommunen ha kontroll med selskapet ved å eige 50 % eller meir av dei stemmeberettiga aksjane i selskapet. Dersom kommunen ønskjer maksimal fridom over selskapet bør, kommunen eige selskapet fullt ut. Dersom eigarskapet er av meir finansiell karakter, er det ikkje så avgjerande kor stor del av selskapet kommunen eig.

100 % (aksjer og stemmer)

I ein slik situasjon treng ikkje eigaren å ta omsyn til rettar og reglar som elles gjeld for å verne dei øvrige aksjonærene. Eit heileigd selskap kan sjåast som eit datterselskap i eit konsern, der kommunen representerer konsernet eller morselskapet.

90 % (aksjer og stemmer)

Dersom ein aksjonær eig over 90 % av aksjekapitalen og stemmene i eit aksjeselskap, kan vedkomande majoritetsaksjonær tvangsløse dei øvrige aksjonærene i selskapet, og konsernbidrag kan bli gitt mellom selskap i konsernforhold.

67 % (stemmer)

Vedtak om endring av eit selskap sine vedtekter forutset minst to tredeler av stemmene. Det same gjeld avgjerder om fusjon eller fisjon, vedtak om høgding eller nedsetting av aksjekapitalen, opptak av konvertible lån, vedtak om omdanning og vedtak om oppløysing av selskapet.

50 % (stemmer)

Døme på vedtak som blir fatta med alminnelig fleirtal er val av styremedlemmar, godkjenning av årsrekneskap og vedtak om utdeling av utbytte. Vedtekter og aksjonæravtalar kan regulere behov for breiare, men ikkje snevrare tilslutning ved slike saker.

34 % (stemmer)

Dersom en aksjonær har meir enn ein tredjedel av stemmene, vil denne normalt ha negativ kontroll over mange av dei vesentligaste avgjerdene i selskapet. Særlig gjeld dette vedtektsendringar.

Kommunens økonomiske interesser

Økonomisk risiko i forhold til eigardel i aksjeselskap er direkte knytta til verdien av aksjekapitalen som kommunen har skote inn. Selskapet sine midlar blir disponert av selskapet sitt styre og dagleg leiar. Ønskjer kommunen som eigar av selskapet å ta ut midlar, må dette skje etter aksjelova sine reglar om utdeling av utbytte eller fondsemisjon. Utdeling av utbytte til eigar kan berre blir foreteke etter forslag fra styret og må vedtakast av generalforsamlinga. Innanfor ramma av aksjelova kan det gjennom aksjonæravtalen heimlast ytterlegare handlingsreglar for disponering av selskapets overskot. Dette vil vere bindande for styrets innstilling og generalforsamlinga sitt vedtak.

2.2 Kommunale føretak (KF)

I Vestnes kommune har vi ikkje tenester organisert i kommunale føretak.

Rettsleg stilling og lovgjeving

Kommunale føretak er ein del av kommunen som rettssubjekt og heimla i kapittel 11 i kommunelova. Føretaket er altså ikkje eit eige selskap med rettsleg eller økonomisk sjølvstende. Det kommunale føretaket er ein del av kommunen og er dermed underlagt kommunestyret. Gjennom formålsparagrafen i vedtektene fastset kommunestyret den verksemda føretaket skal drive og den ytre ramma for styret sitt mynde. Kommunestyret kan

gjennom vedtektene eller andre typer vedtak gi bindande pålegg til føretaket. Både stifting og oppløysing av kommunale føretak skal vedtakast av kommunestyret.

Når bør denne selskapsforma nyttast?

Reglane om kommunalt føretak tek særleg sikte på å gi eit alternativ for meir sjølvstendig organisering av kommunale oppgåver. Organisasjonsforma blir som regel brukt når både forretnings- og samfunnsmessige omsyn skal ivaretakast.

Styrande organ

Føretaket skal leiast av eit styre med alminneleg mynde til å treffe avgjerder i foretaket sine saker. Føretaket skal leiast av styre og dagleg leiar. Dette er obligatoriske organ. Dersom ikkje kommunestyret har delegert til anna organ å velge styre i føretaket, er det kommunestyret sjølv som velger styremedlemmane, jf. kommunelova § 62, 2. ledd. Styret har eit overordna ansvar for organiseringa av verksemda i føretaket. Ansvar for leiing gjeld ikkje berre den forretningsmessige sida av verksemda, men generelt forvaltninga av dei verdiar og oppgåver kommunen har lagt til føretaket. Det er styret og dagleg leiar som opptre utad på kommunen sine vegne. Etter kommunelova § 69 kan styret sitt sjølvstendige mynde avgrensast ved at ein i vedtektene kan fastsette at bestemte saker må vere godkjent av kommunestyret for å vere bindande for kommunen. Det er styret i føretaket som tilset dagleg leiar. Dagleg leiar står i eit direkte underordnings- og ansvarsforhold til styret som igjen er underlagt kommunestyret.

Arbeidsgjeveransvaret

Dagleg leiar har det overordna ansvaret for dei tilsette i kommunale føretak. Kommunen sin overordna arbeidsgjeverpolitikk legg rammene også for kommunale føretak. Dette gjeld m.a. seniorpolitikk, likestilling, tariffområdet, kompetanse-utvikling. Ved brot i lønnsforhandlingar trer konserntankegangen inn, slik at ved eit brot oppstått i eit føretak, får verknader for heile det gjeldande området i kommunen. Føretaket kan vere medlem av KS Bedrift.

Økonomisk ansvar og risiko

Som ein del av kommunen er foretaket underlagt kommunestyret sitt budsjettmynde. Dette betyr at de kommunale budsjetta set rammer for verksemda i føretaket, og styret er bunde av kommunens budsjett. Slik sett er føretaket sine forpliktelser også kommunens forpliktelser.

Styring, tilsyn og kontroll

Kommunen kan utøve meir styring og kontroll i kommunale føretak enn i sjølvstendige selskap. Forskrift til Kommunelova gir reglar for årsbudsjett og økonomiplan, og krav til årsrekneskap og årsmelding, perioderapportar, samt krav om KOSTRA - rapportering. Kontrollutvalet skal behandle årsmelding og årsrekneskap frå føretaka før dei vert behandla av kommunestyret.

Kommunale føretak har ei sjølvstendig stilling i forhold til administrasjonen i kommunen. Det inneber at administrasjonssjefen ikkje har instruksjons- eller omgjeringssmynde overfor dagleg leiar. Administrasjonssjefen kan imidlertid instruere dagleg leiar til ikkje å iverksette eit tiltak eller ei sak før kommunestyret har behandla saka. Administrasjonssjefen kan såleis legge ei slik sak fram for kommunestyret. I saker som føretaka fremmer til kommunestyret har administrasjonssjefen i medhald av kommunelova § 23 ansvar for fullstendig saksbehandling. Administrasjonssjefen skal altså også i desse sakene legge fram si vurdering og innstilling til kommunestyret.

2.3 Interkommunalt samarbeid (IS kommunelova § 27 selskap)

Vestnes kommune er med følgjande §27-samarbeid:

Kommunerevisjonsdistrikt 2	Interkommunalt samarbeid om revisjon
RIUA Romsdal	Romsdal interkomm. utvalg mot akutt forurensing
Tøndergård skole	Interkommunal internatskole

Sjå meir om dette på side 18, 19 og 20

Rettsleg stilling og lovgjeving

Kommunelova § 27 har reglar om samarbeidsavtalar mellom kommunar og/eller fylkeskommunar når samarbeidet er organisert med eige styre. Gjennom vedtektene kan det heimlast at eit interkommunalt samarbeid blir gitt ansvar og mynde slik at det er eit eige rettssubjekt.

Styrande organ

Styret for interkommunalt samarbeid må tildelast ein viss sjølvstendig avgjerdsmynde, men den må avgrensast til avgjerder som vedkjem drift og organisering av den aktuelle verksemda. Styret si rolle og forhold til samarbeidskommunane må klargjerast i vedtektene.

2.4 Interkommunale selskap (IKS)

Vestnes kommune er med i følgjande interkommunale selskap:

IKA Møre og Romsdal	Interkommunalt arkiv for Møre og Romsdal
Molde og Romsdal Havn IKS	Interkommunalt havnesamarbeid
Krisesenter for Molde og Omegn	Interkommunalt krisesenter
ÅRIM – Ålesundsregionens interkommunale miljøsekskap	Interkommunalt samarbeid om avfallshandtering og miljø

Meir om selskapa på side 21, 22, 23 og 24

Rettsleg stilling og lovgjeving

Samarbeid mellom flere kommunar og/eller fylkeskommunar kan organiserast som interkommunalt selskap etter lov av 29. januar 1999 nr. 6. Lova heimlar at interkommunale selskap er egne rettssubjekt, som både rettsleg og økonomisk er skilt frå deltakarkommunene. Selskapet har si eiga formue og sine egne inntekter, og svarer sjølv for sine forpliktelser. Det er selskapet sjølv som inngår og er part i avtalar og har partsstilling i rettsaker og overfor forvaltningsstyresmaktene.

I kva samanhengar kan denne selskapsforma brukast?

I eit interkommunalt selskap kan berre kommunar og fylkeskommunar vere deltakarar. Lovpålagte oppgåver, samt tenester der det kan vere rekningsvarande og strategisk å løyse oppgåvene felles er døme på verksemd som eignar seg for denne selskapsforma. Tilsvarende gjeld regionale utviklingsoppgåver, prosjekt og anlegg. Dersom ein legg oppgåver med utøving av mynde og forvaltningsoppgåver til eit IKS, vil dette kreve overføring av mynde til det interkommunale selskapet. Det kan vere begrensningar i særlovgjeving som gjer at kommunestyret ikkje kan delegere slik mynde. Slike vurderingar må gjerast i forhold til at selskapet er eige rettssubjekt.

Styrande organ

Selskapet sitt øvste mynde ligg hos representantskapet. Representantskapet er eigarane sitt organ, og deltakerkommunane sitt eigarmynde vert utøvd av representantskapet. Dette

inneber at den einsskille deltakararkommune ikkje kan utøve eigarmynde direkte overfor selskapet sitt styre eller administrasjon. Kvar deltakararkommune skal ha minst eitt medlem i representantskapet. Deltakararkommunane kan gjennom representantskapet treffe vedtak som bind styret, og det kan omgjere vedtak som styret har fatta. Gjennom ei rekkje bestemmingar legg lova om interkommunale selskap særlege oppgåver til representantskapet. Dette gjeld fastsettinga av rekneskap, budsjett, økonomiplan og val av revisor, samt vedtak om sal eller pantsetting av fast eigedom eller andre større kapitalinvesteringar, eller vedtak om å føreta investeringar som er av vesentlig betydning for selskapet eller ein eller fleire av deltakarane. Av lova går det fram at det skal utformast ein selskapsavtale (vedtekter) og lova set opp minimumskrav til innhald. I selskapsavtalen kan det dessuten fastsettast at visse saker som elles høyrer innunder styret sitt forvaltningsmynde, må godkjennast av representantskapet. Samla sett gir desse bestemmingane deltakararkommunane i utgangspunktet større innflytelse over styringa av selskapet enn det aksjelova gir deltakarane i eit aksjeselskap. Denne utvida innflytelsen har først og fremst samanheng med selskapsdeltakarane sitt ubegrensa ansvar for selskapet sine forpliktingar. Når deltakarane påter seg eit større ansvar er det også naturleg at styringsmyndet vert utvida. Det vil også vere mulig å auke eigarane si styring og kontroll ved t.d. å regulere i ein eigaravtale at nærmere angitte saker må behandlast av representantskapet (eigarorganet). I ein eigaravtale vil deltakarinteressene i selskapet kunne tydeleggjerast og det kan påleggast representantskapet å utføre og å føre tilsyn med visse styringsoppgåver overfor styret; t.d. krav om interne kontrollsystem, økonomistyringsreglar, strategiutvikling og finansforvaltning. Eit interkommunalt selskap skal ha eit styre og ein dagleg leiar som står ansvarleg for forvaltninga av selskapet. Det høyrer under styret å forvalte selskapet på vegne av deltakararkommunane. Styret leiar selskapet si verksemd og det har ansvar for at dei verdiane som deltakarane har i selskapet, blir brukt forsvarleg og i tråd med formålet for selskapet. I forvaltninga av selskapet er styret underlagt representantskapet, og det må følge vedtak og retningslinjer som dette fastset. Styret sitt forvaltningsmynde må vidare utøvast innanfor ramma av selskapsavtalen og selskapet sitt årsbudsjett.

Arbeidsgjevaransvaret

Dagleg leiar blir tilsett av styret med mindre det er vedtektsfesta at dagleg leiar skal tilsettast av representantskapet. Tilsette har selskapet som sin arbeidsgjevar og dagleg leiar som øveste administrative leiar. Utvikling av arbeidsgjevarpolitikk ligg til dersom ikkje anna er bestemt i selskapsavtalen. Lov om interkommunale selskap regulerer tilsette sin representasjon i styret.

Kommunen sitt økonomiske ansvar og risiko

Et særtrekk ved interkommunale selskap er at kvar av deltakarane har eit ubegrensa ansvar for ein viss prosent eller ein brøkdell av selskapet sine samla forpliktelser. Dette skil interkommunale selskap frå aksjeselskap, der deltakaransvaret er begrensa. Gjennom selskapsavtalen kan ansvaret begrensast. Samla skal deltakarane sine ansvarsdelar utgjere selskapet sine samla forpliktelser. I selskapsavtalen kan det heimlast rom for å bygge opp fond for gjennomføring av investeringar og til nødvendig driftskapital. Fondsoppbygginga skal stå i forhold til selskapet sine oppgåver og forpliktelser. Av Lov om interkommunale selskap § 29 følger det at representantskapet kan vedta utdeling av selskapet sine midlar etter forslag fra styret eller med styrets samtykke. Det kan skje etter at rekneskapet for siste rekneskapsår er fastsett.

Styring, tilsyn og kontroll

Av forskrifter til lov om interkommunale selskaper følger reglar om årsbudsjett og økonomiplan, og krav til årsregnskap og årsberetning. Av forskriftene følger også reglar om periodevis rapportering, samt krav om KOSTRA – rapportering. Av lov om interkommunale selskap § 18 følger det at selskap hvor deltakerne betaler tilskudd, er selskapets budsjett ikke endelig før deltakararkommunenes budsjetter er behandlet jf. kommunelovens § 45 nr. 4.

Av dette følger det at representantskapet sitt budsjettvedtak ikke er endelig før deltakere har avsluttet sin økonomiplanbehandling ved utgangen av året.

2.5 Stiftelser

Vestnes kommune er med i følgende stiftelser:

Stiftelsen Vestnes trygdebustader	
Vestnes Næringsforum	

Desse blir ikkje vidare omtalt seinare i meldinga.

Rettsleg stilling og lovgjeving

Stiftelser er regulert i stiftelsesloven av 15. juni 2001 (ikrafttredelse av 1. januar 2005). Ein stiftelse skil seg frå de andre selskapsformene ved at den ikkje har eigarar eller deltakarar. Stiftelsen er sjølvvegande. Når stiftelsen først er oppretta har stiftarane ikkje lenger råderett over formuesverdien som er overført stiftelsen.

Er stiftelser egna for kommunen?

Ein stiftelse vil kunne vere ei egna organisasjonsform for løysing av bestemte oppgåver som ein ønskjer å skille ut og gi fullt sjølvstende. Sidan ein stiftelse ikkje kan ha eigarar, kan ei kommune ikkje øve innflytelse i stiftelsen på grunnlag av eigarskap. Dette kan framstå som ei betydelig ulempe, men samtidig gi muligheit for å sikre verdiar under skiftande forhold. Lovverket for stiftelser er dei siste åra blitt ein del endra. Reglane for avvikling av stiftelser er komplekse. Både styret og stiftarane må godkjenne avviklinga. I tillegg blir det stilt krav om godkjenning hos Stiftelsestilsynet før den formelle avviklinga kan finne stad.

Styrende organ

Stiftelsen blir leia av eit styre oppnemnt i tråd med vedtektene for stiftelsen. Stiftelsen må ha eit bestemt formål, og blir vurdert som uegna dersom kommunen ønskjer noko form for styring, innflytelse eller kontroll.

2.6 Aksjelag (AL)

Vestnes kommune har innskoten kapital i følgende aksjelag:

Vestnes Vassverk AL	
Vikebukt Vassverk AL	
Tomrefjord Vassverk AL	
Tresfjord Vassverk AL	
Fiksdal Vassverk AL	

Etter henvending til Vestnes vassverk har vi fått følgende melding:

"Vassverket er et foretak som har et ikke-økonomisk formål, og utbytte av et eventuelt overskudd blir ikke utbetalt til andelseierne. Overskuddet går inn i driften, for senere bruk. Når det gjelder § 10 i vedtektene, så går denne ut på grunn av at det ikke foreligger noen slik avtale med Vestnes Kommune.

Denne paragrafen ble laget da det på -80 tallet ble jobbet for å få til en samarbeidsavtale mellom de private vassverkene og kommunen. En slik avtale kom ikke i stand, da ikke alle vassverkene var interessert i å være med på dette."

Det vert elles opplyst at aksjelag (AL) vil gå ut i 2012, og at vassverka då må finne/etablere ny selskapsform.

3. Oversikt over Vestnes kommune sine eigarinteresser

3.1 Aksjeselskap (heileigde)

INFORMASJON OM SELSKAPET
<p><i>Vestnes Energi AS</i> Selskapsform: Aksjeselskap Org.nummer: 979 671 431 Dagleg leiar: Stein Bergheim Adresse: Remmingsveien 7, 6390 Vestnes Nettadresse: www.nvn.no</p>
EIGARAR
Vestnes kommune 100%.
VEDTEKTSFESTA FORMÅL
<p>Formålsparagraf: Selskapet har som formål å eie og drifte distribusjonsnettet for strøm i sitt konsesjonsområde, og sikre god leveringskvalitet på strømforsyningen til sine kunder. Kvaliteten skal sikres gjennom effektiv drift, godt vedlikehold og rasjonell utbygging som er tilpasset nåværende og framtidige behov. Selskapet skal også søke å utnytte de muligheter som ligger i å engasjere seg i annen infrastruktur der en kan oppnå positive synergieffekter mot nettdrift. For øvrig kan selskapet ha gjøremål og være en aktør innen energiproduksjon og kraftomsetning samt alt som står i forbindelse med dette og som kan styrke selskapets økonomi og inntjening.</p>
STYRE, GENERALFORSAMLING
Styre: Arne Andreassen, Hans Frafjord, Liv S. G. Hellen, Mareno Nakken, Jan Rune Jacobsen, Olav I. Eidhammer. Generalforsamling: Vestnes kommunestyre
LØN DAGLEG LEIAR , STYREHONORAR
Årslønn daglig leder: kr. 670 338 Samlet årlig styrehonorar: kr. 99 000
RAPPORTERING TIL KOMMUNEN
<p>Formelt sett er det ikkje etablert fast rapportering til kommunen utan det som framkjem i årsmelding og på generalforsamling. Det har imidlertid vore uformell kontakt mellom daglig leder/styreleder i Vestnes Energi og ordføreren bla. i forkant av kommunale budsjettbehandingar og i andre sentrale saker som har hatt betydning for hopehavet Vestnes kommune/Vestnes Energi.</p> <p>Frå selskapet si side er det ønskjeleg å både formalisere og intensivere informasjonsflyten mellom eigar og selskap.</p>
KOMMUNEN SIN EIGARSTRATEGI, FORVENTNINGAR TIL EIGARSKAPET
Finansielt motivert eigarskap

INFORMASJON OM SELSKAPET

Tremek AS

Selskapsform: Aksjeselskap
Org.nummer:975 961 796
Dagleg leiar: Olav Egil Tomren
Adresse: 6390 Vestnes
Nettadresse: www.tremek.no

EIGARAR

Vestnes kommune 100%

VEDTEKTSFESTA FORMÅL

Selskapet har som føremål å drive med produksjon, produktutvikling, tenesteytande arbeid, salsverksemd og anna næringsverksemd og det som måtte stå i samanheng med dette, som skal gje grunnlag for sysselsetting og personleg utvikling av yrkeshemma etter funksjonsnivå.

STYRE, GENERALFORSAMLING

Styre:

Styreleder	Mareno Kennet Nakken
Styremedlem	Øyvind Uren
Styremedlem	Ellen Andreassen
Styremedlem	Marianne Frøland
Styremedlem	Birgitte Vestre

Generalforsamling: Formannskapet

LØN DAGLEG LEIAR , STYREHONORAR

Lønn daglig leder pr. år. kr.460.000,-
Styrehonorar styreformann pr.år kr.30.000,-
Styrehonorar styremedlem kr.1.000,- pr.møte

RAPPORTERING TIL KOMMUNEN

Årleg: Budsjett og strategiplanar, regnskap og årsmelding

KOMMUNEN SIN EIGARSTRATEGI, FORVENTNINGAR TIL EIGARSKAPET

1. Eigarskapet er langsiktig og samfunnsøkonomisk (sosialpolitisk) motivert.
2. Forventning om verdiauke av selskapet på lang sikt.
3. Forventning om at selskapet leverer allsidig arbeidstrening av høg kvalitet.

INFORMASJON OM SELSKAPET

Ørskogfjell skisenter AS

Selskapsform: Aksjeselskap

Org.nummer:

Dagleg leiar: Kenneth Vik

Adresse: 6390 Vestnes

Nettadresse: www.orskogfjellet.no

EIGARAR

Vestnes kommune 100%

VEDTEKTSFESTA FORMÅL

§ 2

Formålet til selskapet er å eige og drive skisenter med tilhøyrande aktivitetar og tilbod som naturleg høyrer med arbeidet.

Tilbodet skal først og fremst prioriterast for barn og ungdom. Ledig tid i skisenteret kan brukast til "utanom idrettsleg verksemd." Selskapet kan i samarbeid med frivillige interesser, lag og organisasjonar etablere kompetansegrupper for å utvikle tenlege driftsformer."

STYRE, GENERALFORSAMLING

Styreleiar : Robert Vik

Nestleiar: Mareno Nakken

Styremedlem: Jørn Inge Løvik

Generalforsamling: Vestnes formannskap

LØN DAGLEG LEIAR , STYREHONORAR

Det vert ikkje utbetalt løn eller styrehonorar.

RAPPORTERING TIL KOMMUNEN

Årsmelding og rekneskap vert sendt til kommunen.

KOMMUNEN SIN EIGARSTRATEGI, FORVENTNINGAR TIL EIGARSKAPET

Lokal kulturpolitikk og utvikling av lokalsamfunnet:

Tiltak for barn og unge i kommunen.

3.2 Aksjeselskap der kommunen har ein eigardel under 50%

INFORMASJON OM SELSKAPET
<p>Astero AS Selskapsform: Aksjeselskap Org.nummer: 919 635 657 Dagleg leiar: Anders Plassen Adresse: Marsvegen 4, Molde Nettadresse: www.astero.no</p>
EIGARAR
<p>Astero har 17 eigarar. Molde kommune har ein eigardel på 44 %, Møre og Romsdal fylke 34 %, og kommunene Vestnes og Fræna eig 5 % kvar. Dei resterande 12 % blir eigd av kommunane Eide, Nettet, Sandøy, Midsund, Rauma og Aukra og LHL, Molde Næringsforum, Aker Aukra AS, Glamox Fabrikker AS, Molde Næringsseidom AS, Ulstein Verft AS og LO i Romsdal. Aksjekapital: NOK 1.075.000</p>
VEDTEKTSFESTA FORMÅL
<p>§3: Selskapets formål er gjennom produksjon og annen næringsvirksomhet å skape grunnlag for yrkesmessig attføring som primært virksomhetsområde og dessuten tilbud om varing arbeid for yrkeshemmede.</p>
STYRE, GENERALFORSAMLING
<p>Styreleiar Jan Egil Korseberg (Molde kommune) Styret består av 6 medlemmar Styremedlem frå Vestnes: Geir Inge Lien</p>
LØN DAGLEG LEIAR , STYREHONORAR
<p>Ukjent</p>
RAPPORTERING TIL KOMMUNEN
<p>Årleg: Årsmelding og rekneskap. Protokollar frå generalforsamling</p>
KOMMUNEN SIN EIGARSTRATEGI, FORVENTNINGAR TIL EIGARSKAPET
<p>Eigarskapet er samfunnsøkonomisk og sosialpolitisk motivert.</p>

INFORMASJON OM SELSKAPET
<p>Destinasjon Molde og Romsdal AS Selskapsform: Aksjeselskap Org.nummer: 974 519 410 Dagleg leiar: Kjell Gjerde Adresse: Torget 4, Molde Nettadresse: www.visitmolde.com</p>
EIGARAR
<p>Destinasjon Molde & Romsdal AS er et destinasjonsselskap som er eigd av kommunane og reiselivsnæringa i Aukra, Eide, Fræna, Gjemnes, Lesja, Midsund, Molde, Nettet, Rauma, Sandøy og Vestnes.</p>

Eigardel Vestnes: 3,23% Aksjekapital: NOK 1.546.000
VEDTEKTSFESTA FORMÅL
Selskapets formål (vedtektenes § 3). Selskapets formål er å markedsføre, utvikle og selge reisemål. For å realisere dette skal selskapet være et fellesorgan for kommuner, reiselivslag, organisasjoner og bedrifter. Hvert år bør det avholdes en reiselivskonferanse innen utgangen av oktober måned. Selskapet kan ellers delta i forretningsmessig virksomhet relatert til reiseliv.
STYRE, GENERALFORSAMLING
Styre: Harry Hestad (leiar), Erik Berg, Heidi Heggdal, Mette Rye, Børre Tangen, Johan Hjelvik, Einar Robert Naas.
LØN DAGLEG LEIAR , STYREHONORAR
Styreleiar kr 40.000/år. Møtegodtgjersle medl kr 1000/møte
RAPPORTERING TIL KOMMUNEN
Årleg: Budsjett og strategiplanar, møteprotokollar generalforsamling
KOMMUNEN SIN EIGARSTRATEGI, FORVENTNINGAR TIL EIGARSKAPET
Eigarskap motivert utfrå lokal kulturpolitikk og utvikling av lokalsamfunnet. Kvar kommune blir for lita til å kunne drive tenesta åleine

INFORMASJON OM SELSKAPET
<i>Muritunet AS</i> Selskapsform: Aksjeselskap Org.nummer:961 721 652 Dagleg leiar: Arne Sandnes Adresse: Norddal Nettadresse: www.muritunet.no
EIGARAR
Muritunet AS er eigd av Nasjonalforeningen for folkehelsen, Møre fylke og Norddal kommune, samt alle helselag og kommunar i Møre og Romsdal og lag, organisasjonar og einskildpersonar. Aksjekapital NOK 14.343.000
VEDTEKTSFESTA FORMÅL
Selskapets formål (vedtektenes § 3). Selskapet sitt føremål er å eige og drive institusjonen Muritunet - senter for mestring og rehabilitering i Norddal kommune, der ein skal gje medisinsk behandling, opptrening og opplysning som del av det totale helsetenestetilbodet i landsdelen, samt anna verksemd som står i samanheng med dette. Selskapet vert drive på ideell basis og vil ikkje ha komersielt erverv til føremål. Det skal ikkje utdelast utbytte og selskapet sine midlar skal heller ikkje på annan måte overførast til selskapet sine aksjonærar. Ved oppløysing av selskapet skal selskapet sine midlar stillast til disposisjon for realisering av verksemd i tråd med første avsnitt i denne paragraf.

STYRE, GENERALFORSAMLING
Styret har 7 medl.
LØN DAGLEG LEIAR , STYREHONORAR
Ukjent
RAPPORTERING TIL KOMMUNEN
Årleg: Budsjett og strategiplanar, protokoll generalforsamling
KOMMUNEN SIN EIGARSTRATEGI, FORVENTNINGAR TIL EIGARSKAPET
Samfunnsøkonomisk motivert

INFORMASJON OM SELSKAPET
<p><i>Eksportvegen AS</i> Selskapsform: Aksjeselskap Org.nummer: 950 432 756 Dagleg leiar: Torgeir Stene Adresse: 6390 Vestnes Nettadresse: www.tresfjordbrua.no</p>
EIGARAR
<p>Tresfjordbrua AS vart stifta 21. november 1988 med ein aksjekapital på kr. 1 025 000. Seinare vart aksjekapitalen utvida til kr. 1 030 000, og fordelte seg då på 206 aksjar á kr 5 000. Av desse var det 101 A-aksjar (med stemmerett) og 105 B-aksjar (utan stemmerett).</p> <p>Vestnes kommune var initiativtakar og største aksjonær med 60 aksjar, og hadde etter vedtektene rett til å peike ut 4 av dei åtte styrerepresentantane, herunder styreleiaren. Rauma kommune, Sparebanken Møre og Romsdals Fellesbank (seinare Sparebank1 SMN) var dei andre dominerande aksjonærar, og kunne peike ut ein styrerepresentant kvar. I tillegg til desse var det 7 kommunar og 19 private bedrifter blant aksjonærane.</p> <p>I ekstraordinær generalforsamling den 29. oktober 2009 vart aksjekapitalen utvida til kr 1 770 000. Ålesund kommune utvida sin aksjepost med 58 aksjar frå 2 til 60 A-aksjar, Rauma kommune utvida sin med 50 frå 10 til 60 A-aksjar, og Gjensidige kom inn som ny aksjonær med 40 aksjar (9 A- og 31 B-aksjar). Selskapet har no 354 aksjar á kr 5 000, fordelt på 218 A- og 136 B-aksjar.</p> <p>Selskapet skifta samstundes namn frå Tresfjordbrua AS til Eksportvegen AS</p>
VEDTEKTSFESTA FORMÅL
<p>Selskapets formål (vedtektenes § 3). Selskapet sitt føremål er å planlegge, bygge og drive tunnel- og brusamband og alt som høyrer til dette mellom Måndalen i Rauma kommune og Kjelbotn i Vestnes kommune.</p>
STYRE, GENERALFORSAMLING
Roald Fiksdal (styreleiar), Nils Valde (nestleiar), Torbjørn Rødstøl, Eva Langstein, Kjell Sandli, Lars Fjørtoft, Øyvind Uren, Bjørn Tømmerdal
LØN DAGLEG LEIAR , STYREHONORAR

RAPPORTERING TIL KOMMUNEN

Årleg: Budsjett og strategiplanar. Protokollar frå generalforsamling.
Presentasjonar for kommunestyret

KOMMUNEN SIN EIGARSTRATEGI, FORVENTNINGAR TIL EIGARSKAPET

Samfunnsmessig og regionalpolitisk posisjonering

INFORMASJON OM SELSKAPET

Møreaksen AS

Selskapsform: Aksjeselskap

Org.nummer: 942 390 742

Dagleg leiar: Helge Orten

Adresse: 6475 Midsund

Nettadresse: www.moreaksen.no

EIGARAR

Kommunar og bedrifter

Eigenkapital: NOK 7.402.500

Bokført verdi Vestnes kommune: NOK 56000

VEDTEKTSFESTA FORMÅL

Møreaksen AS har som formål å realisere en fergefri kryssing av Romsdalsfjorden/Midfjorden som samtidig knytter kommunene Aukra og Midsund til fastlandet. Dette vil gi en fergefri forbindelse mellom Ålesund, Molde og Kristiansund. Selskapet har kontoradresse i Midsund.

STYRE, GENERALFORSAMLING

Styreleiar : Jan Petter Hammerø

Anne Dyb Ligaen, Bernhard Riksfjord, Bjørn Sandnes, Randi Walderhaug Frisvoll, Erik Berg, Britt Flo

LØN DAGLEG LEIAR , STYREHONORAR

RAPPORTERING TIL KOMMUNEN

Årleg: Budsjett og strategiplanar. Protokollar generalforsamling

KOMMUNEN SIN EIGARSTRATEGI, FORVENTNINGAR TIL EIGARSKAPET

Samfunnsøkonomi og regionalpolitisk posisjonering

INFORMASJON OM SELSKAPET

Molde Lufthavnutvikling AS

Selskapsform: Aksjeselskap

Org.nummer: 985 615 462

Dagleg leiar: Britt Ada Flo

Adresse: Torget 4, Molde

Nettadresse:

EIGARAR

Eigarandel Vestnes kommune 1,67%

Molde kommune størst aksjedel med ca 38%, Sparebank 1 MN ca 21%, Sparebanksen Møre ca 10%.

Resten fordelt på kommunar og private aktørar

VEDTEKTSFESTA FORMÅL

§3

Selskapets virksomhet er utvikling av vår regionale flyplass Molde lufthavn Årø for å styrke tilbudet til næringsliv og innbyggerne i regionen.

STYRE, GENERALFORSAMLING

Styreleiar: Jan Petter Hammerø

Nestleiar: Stein Berg Oshaug

Styremedlem: Tine Grytnes Laskerud

Vara : Johan Hjelvik og Hilde Gråberg Bakke

LØN DAGLEG LEIAR , STYREHONORAR

RAPPORTERING TIL KOMMUNEN

Årleg: Budsjett og strategiplanar. Protokollar frå generalforsamling

KOMMUNEN SIN EIGARSTRATEGI, FORVENTNINGAR TIL EIGARSKAPET

Samfunnsøkonomi, regionalpolitisk posisjonering

I tillegg til ovanforståande aksjeselskap har Vestnes kommune eigarinteresser av meir symbolsk art i selskapa :
Sunnmøre Veginvest AS, Samspleis AS, Norske Skogindustrier AS, Hurdalsenteret AS, Kristiansund og Omegn Vekst AS, Sunnmørshallen AS og Norsk Folkehjelp

3.3 Interkommunale samarbeid etter k-lova §27

INFORMASJON OM SELSKAPET

Kommunerevisjonsdistrikt 2

Selskapsform: Interkommunal kommunesamarbeid

Org.nummer: 976 663 268

Dagleg leiar: Sigmund Harneshaug

Adresse: Rådhusplassen 1, 6413 Molde

Epost: kommunerevisjonen@molde.kommune.no

EIGARAR

Vestnes kommune sin eigardel: 11,11%

Dei andre eigarane er kommunane Rauma, Nesset, Sunndal, Gjemnes, Eide, Fræna, Molde og Aukra.

Alle har lik eigardel.

VEDTEKTSFESTA FORMÅL

Revisjon for deltakarkommunane

STYRE, GENERALFORSAMLING

Styreleiar: Bjørn Steinsland (Sunndal) Nestleiar: Ottar Nerland (Fræna)

Medlemmar: Martin Kjøpstad (Vestnes), Arve Tovan (Molde), Kristine Måløy (Gjemnes), Ola Krogstad (Eide), Mellvin Steinsvoll (Nesset), Odd Ivar Røhmesmo (Rauma), Aril Oterhals (Aukra).

LØN DAGLEG LEIAR , STYREHONORAR

Dagleg leiar : Årsløn kr 575.000

Styrehonorar: kr 9.775

RAPPORTERING TIL KOMMUNEN

Styreprotokollar, budsjett, rekneskap, årsmelding og revisjonsplanar vert sendt eigarkommunane

KOMMUNEN SIN EIGARSTRATEGI, FORVENTNINGAR TIL EIGARSKAPET

Effektivisering og forbetring av tenesteproduksjon der fleire kommunar går saman om tenesta.

INFORMASJON OM SELSKAPET

Romsdal interkommunale utvalg mot akutt forurensing

Selskapsform: kommunesamarbeid

Org.nummer: 975 713 172

Formann: Alf Magne Smørholm

Adresse: Birger hatlebakks veg 30, 6415 Molde

Nettadresse: Inga eigen nettstad

EIGARAR

Kommunesamarbeid mellom 8 kommunar i Romsdal

VEDTEKTSFESTA FORMÅL

Formålet er å sikre at kommunene har et effektivt reaksjonsapparat i tilfelle akutt forurensning og i samsvar med bestemmelsene i Forurensningsloven §§ 43 - 47.

Med akutt forurensning forstås:

- Forurensning som har betydning.
- Forurensning som inntreffer plutselig.
- Forurensning som ikke er tillatt i medhold av lov.

Kommunen skal være sikret et planverk som gjelder i de tilfeller skadevolder ikke makter å rydde opp på egen hånd og må be om hjelp. Planverket omfatter både tiltak i den enkelte kommune og tiltak når flere kommuner må aksjonere sammen. Organisasjonen skal også gi hjelp til statlig beredskap og til NOFO i samsvar med planen.

Planverket skal i hovedsak dekke de risikoene kommunene i Romsdal kan bli stilt overfor i forbindelse med akutt forurensning. Dette gjelder både landbasert virksomhet og all transport og utslipp på sjø og vann. Ved utslipp til sjø vil beredskapen primært bli brukt i strandsonen og den nære kystsonen. I spesielle tilfeller må beredskapen også kunne yte bistand ved aksjoner til havs.

STYRE, REPRESENTANTSKAP

Leiar og nestleiar for styret i Romsdal IUA er 2 faste medlemmar frå vertskommunen; dvs brannsjef og havnedirektør i Molde kommune.

Dessutan har kommunane Fræna, Rauma og Vestnes 1 styremedlem kvar.

Politimesteren i Nordmøre og Romsdal utpeikar 1 repr frå politiet

Representantskap: ordførarane i kommunane

LØN DAGLEG LEIAR , STYREHONORAR

RAPPORTERING TIL KOMMUNEN

KOMMUNEN SIN EIGARSTRATEGI, FORVENTNINGAR TIL EIGARSKAPET

Effektivisering av tenesteproduksjon. Ansvar og omfang er for stort for èi einskild kommune. Ansvar og omfang går på region og kommunegrenser har lite å seie i ein akuttsituasjon

INFORMASJON OM SELSKAPET

Tøndergård skole og ressurscenter

Selskapsform:

Org.nummer: 876 663 252

Dagleg leiar: Rektor Eli Bakke

Adresse: Nøisomhedvegen 10, 6416 Molde

Nettadresse:

www.tondergard.skole.no

EIGARAR

Kommunane Molde, Aukra, Gjemnes, Eide, Vestnes, Nesset, Fræna, Midsund og Rauma

VEDTEKTSFESTA FORMÅL

Skulen er interkommunal med internat for barn og unge med samansette lærevanskar i alderen 6 - 21 år.

STYRE, GENERALFORSAMLING

Styret er samansett av 1 representant frå kvar av kommunane.
Representant frå Vestnes : Per Bjørn Ellingseter.

LØN DAGLEG LEIAR , STYREHONORAR

Rektor løna etter off.regulativ. Ingen styrehonorar

RAPPORTERING TIL KOMMUNEN

Styreprotokollar, budsjett, rekneskap, årsmelding og revisjonsplanar vert sendt eigarkommunane

KOMMUNEN SIN EIGARSTRATEGI, FORVENTNINGAR TIL EIGARSKAPET

Effektivisering av tenesteproduksjon. Kvar av kommunane kan ikkje åleine stille med eit tilfredstillande fagleg tilbod til denne elevgruppa åleine.

3.4 Interkommunale selskap – IKS

INFORMASJON OM SELSKAPET
<p><i>Interkommunalt arkiv for Møre og Romsdal - IKA</i> Selskapsform: Interkommunalt selskap - IKS Org.nummer: 982 330 459 Dagleg leiar: Arnt Ola Fidjestøl Adresse: Kirkegata 10, 6004 Ålesund Nettadresse: www.ikamr.no</p>
EIGARAR
<p>Eigarar: Alle kommunane i Møre og Romsdal og fylkeskommunen Vestnes kommune eig 2,1% av selskapet</p>
VEDTEKTSFESTA FORMÅL
<p>§4: Selskapet skal arbeide for at arkivmateriale frå medlemmane eller slikt materiale som desse tek ansvar for, blir teke vare på og gjort tilgjengeleg for offentleg bruk, forskning og andre administrative og kulturelle føremål, i samsvar med arkivlova.</p>
STYRE, GENERALFORSAMLING
<p>Styret har 5 medlemmar. Styremedlemmar og leiar blir valt av representantskapet. Kvar medlem har 1 repr i representantskapet</p>
LØN DAGLEG LEIAR , STYREHONORAR
<p>Årsløn leiar : kr 515.000 Styrehonorar : kr 1000 pr møte</p>
RAPPORTERING TIL KOMMUNEN
<p>Styreprotokollar, budsjett, rekneskap, årsmelding og revisjonsplanar vert sendt eigarkommunane</p>
KOMMUNEN SIN EIGARSTRATEGI, FORVENTNINGAR TIL EIGARSKAPET
<p>Langsiktig og samfunnsøkonomisk motivert. Effektivisering av tenesteproduksjon der alle fylkets kommunar går saman om ei oppgåve som er for stor for den einskilde kommune.</p>

INFORMASJON OM SELSKAPET

Molde og Romsdal Havn IKS

Selskapsform: Interkommunalt selskap - IKS

Org.nummer: 989 049 267

Dagleg leiar: Alf-Kjell Kristiansen

Adresse: Hamnegata 8, 6413 Molde

Nettadr: www.moldehavn.no

EIGARAR

Kommunane Aukra, Fræna, Midsund, Molde, Nesset, Rauma og Vestnes.
Vestnes eig 12% av selskapet.

VEDTEKTSFESTA FORMÅL

Selskapsets formål (vedtektenes § 1-2).

Selskapet skal ivareta og samordne den kommunale havnevirksomheten i samarbeidsområdet. Det skal sammen med andre interesser bidra til et konkurransedyktig og kostnadseffektivt havnetilbud, og for en tilrettelegging av infrastruktur som sikrer en best mulig forbindelse mellom sjø- og landtransporten i samarbeidsregionen.

Det skal ivareta de administrative og forvaltningsmessige oppgaver som påhviler de samarbeidende kommunene etter havne- og farvannsloven og annen lovgivning som gjelder havnesektoren. Havneanlegg og arealer skal disponeres med sikte på en best mulig, samlet ressursutnyttelse.

For å opprettholde og videreutvikle den kommunale havnevirksomheten i samarbeidsområdet og denne virksomhetens trafikkgrunnlag, kan havnevesenet engasjere seg i havnetilknyttet virksomhet som finnes hensiktsmessig og fordelaktig for de samarbeidende kommuners havneinteresser.

STYRE, GENERALFORSAMLING

Havnestyre:

Styret er valt av havnerådet

Leder Ottar Johann Aare, Vestnes

Hans Mevold, Aukra

Kathrin Gangstad, Midsund

Steinar Halstensen, Molde

Audhild Nauste Nesset

Hans Skiri, Rauma

Havneråd:

Bernhard Riksfjord, Aukra

Kjell Lode, Fræna

Helge Orten, Midsund

Eilin Reinaas, Molde

Gunnar Håkonsen, Molde

Rolf Jonas Hurlen, Nesset

Arne Hop, Rauma

Knut Flølo, Vestnes

LØN DAGLEG LEIAR , STYREHONORAR

RAPPORTERING TIL KOMMUNEN

Styreprotokollar, budsjett, rekneskap, årsmelding vert sendt eigarkommunane

KOMMUNEN SIN EIGARSTRATEGI, FORVENTNINGAR TIL EIGARSKAPET

Eierskapet er langsiktig og samfunnsøkonomisk motivert.

Det blir pt ikkje utbetalt utbytte fra selskapet.

INFORMASJON OM SELSKAPET

Krisesenteret for Molde og Omegn IKS

Selskapsform: Interkommunalt selskap IKS

Org.nummer:

Dagleg leiar: Ingrid Horsgård

Adresse: Øvre veg 5, 6413 Molde

Nettadresse: www.krisesenteretmolde.no

EIGARAR

Eigd av kommunane Aukra, Fræna, Gjemnes, Eide, Midsund, Molde, Nesset, Rauma, Vestnes, Sunndal og Sandøy.

Vestnes sin eigardel er 9,2%

VEDTEKTSFESTA FORMÅL

Krisesenteret er eit gratis lavterskeltilbod som gir valdsutsette personar og deira barn trygghet, omsorg og sikkerheit.

Selskapet skal arbeide aktivt for å synleggjere og bekjempe privat vald.

Krisesenteret skal også kunne gi muligheit for akutt plassering av barn for barnevernet.

STYRE, GENERALFORSAMLING

Styret har 7 medlemmar:

(Molde) Ola Fremo (styreleder)

(Vestnes) Randi Bergundhaugen (nestleder)

(Aukra) Helge Kjøll jr.

(Eide) Tone Folland Bolli

(Rauma) Aud Bodil M.Krohn

(Sunndal) Stig Rune Andreassen

Ansatt repr. Ingunn Orvik

Dagl.leder krisesent Ingrid Horsgård

Representantskapet har totalt 23 medlemmar frå eigarkommunane.

LØN DAGLEG LEIAR , STYREHONORAR

RAPPORTERING TIL KOMMUNEN

Styreprotokollar, budsjett, rekneskap, årsmelding vert sendt eigarkommunane

KOMMUNEN SIN EIGARSTRATEGI, FORVENTNINGAR TIL EIGARSKAPET

Krisesenterlova:

§ 2. Krav til krisesentertilbodet

Kommunen skal sørgje for eit krisesentertilbod som skal kunne nyttast av personar som er utsette for vald eller truslar om vald i nære relasjonar, og som har behov for rådgjeving eller eit trygt og mellombels butilbod.

Effektivisering av tenesteyting ved at mange kommunar går saman om ei så omfattande teneste.

INFORMASJON OM SELSKAPET

ÅRIM - Ålesundregionens Interkommunale Miljøselkap

Selskapsform: Interkommunalt selskap

Org.nummer:

Dagleg leiar: Øystein Solevåg

Adresse: Rådhuset, 6025 Ålesund

Nettadresse: www.arim.no

EIGARAR

Selskapet Ålesundregionen Interkommunale Miljøselkap (ÅRIM) er eigd av dei 12 kommunane Giske, Haram, Norddal, Sandøy, Skodje, Stordal, Stranda, Sula, Sykkylven, Vestnes, Ørskog og Ålesund.

Vestnes sin eigardel er 6,9%

Eigenkapitalen er kr. 500 000,-. Innskot av eigenkapital skal skje i høve til kommunane sin eigardel, slik denne er fastlagd i § 5. Selskapet skal drivast slik at det ikkje er avhengig av tilskot frå kommunane utover eigenkapitalen, og selskapet skal ikkje gje utbyte til eigarane. Selskapet har høve til å ta opp lån til kapitalføremål og konvertering av eldre gjeld innanfor ei ramme for samla låneopptak på kr. 100 mill.

VEDTEKTSFESTA FORMÅL

ÅRIM tar i løpet av 2011 over kommunane sine lovpålagte oppgåver innan innsamling, gjenvinning og handsaming av avfall og slam. Selskapet skal legge vekt på ei miljøvennleg drift i alle ledd av avfallshandsaminga.

ÅRIM skal i tillegg også vere eit rådgivande organ, kompetansesenter og ein serviceinstans for kommunane. Selskapet skal også drive eit aktivt informasjonsarbeid for å auke innbyggjarane sin kunnskap og bevisstheit om avfallsreduksjon og miljøvennleg avfallshandsaming.

STYRE, GENERALFORSAMLING

Representantskapet består av tilsaman 16 medlemmar frå eigarkommunane.

Styret er valt av representantskapet. Styret har 7 medlemmar:

Linda Strand Kjerstad (leiar), Kjell Godø Dyb (nestleiar)

Andre medlemmar : Lars Kolbjørn Nogva, Elbjørg Gui Standal, Trond T. Lauritsen, Lillian Flem Fylling
Ragnar Lødøen

LØN DAGLEG LEIAR , STYREHONORAR

Årleg honorar til styreleiar: kr 70.000

Årleg honorar til nestleiar: kr 40.000

Årleg honorar til styremedlem: kr 30.000

Årsløn dagleg leiar : kr 550.000

RAPPORTERING TIL KOMMUNEN

Førebels er selskapet ikkje i full drift. Det er difor ikkje gjennomført eit rapporteringssystem, men alle møteprotokollar og planverk blir sendt til eigarkommunane.

KOMMUNEN SIN EIGARSTRATEGI, FORVENTNINGAR TIL EIGARSKAPET

Effektivisering av drift. Samfunnsøkonomisk perspektiv